



PARLAMENTO
NACIONAL

Comissão de Educação, Juventude, Cultura e Cidadania

RELATÓRIU

MISAUN INFORMASAUN IHA RAEOA

I. INTRODUSAUN

Iha biban ne'e Komisaun Edukasaun, Juventude, Kultura no Sidadania (komisaun G) Parlamentu Nasional, halo misaun fiskalijasaun baseia ba art. 92, art. 95, n.º 3 alínea e), kombinadu ho art. 145 n.º 3) husi Konstituisaun RDTL, bazeia art.º. 35º alínea c) nakait ho art.º. 79º alínea b no f) Rejimentu Parlamentu Nasional nebe'e ko'alia kona ba poder komisaun nian hanesan rekere informasaun no hala'o misaun ba informasaun ka estudu, ho enkuadramentu legal hirak ne'e komisaun G halo visita ba RAEOA hodi hare no konhese di'ak problema no realidade sira iha relasaun ho kompeténsia komisaun nian iha.

Visita ne'e baseia mos ba planu atividades komisaun G ba tinan 2019, Planu ne'e hatu'r hanesan meu ida atu inteira no aprofunda progresu no dezafius ne'ebé governu infrenta iha implementasaun programa ne'ebé kontempla ona iha Lei Orsamentu Jeral Estadu no fasilita servisu komisaun nian ba prosesu akompanhamentu servisu linha Ministeriais no Munisipius sira relasiona ho ezekusaun orsamentu 2019 iha terenu, haktuir deliberasaun ne'ebé komisaun foti iha loron 07 Feveireiru 2019 wainhira diskute kona bá planeamentu ezekusaun planu atividades tinan 2019. Iha biban ne'e komisaun hili pelu menus tópiku tolu,



PARLAMENTO
NACIONAL

Comissão de Educação, Juventude, Cultura e Cidadania

maka tuir mai ne'e: Hare besik liu ba eskola, sentru juventude no radio comunidade nebe'e iha munisipius.

Bazeia ba oráriu visita fiskálizasaun ne'ebé delibera, komisaun G sei realiza visita fiskálizasaun iha fulan Junho 2019 ba RAEOA maibe haktuir ba informasaun husi media no karta keixa husi sindikatu professores RAEOA, komisaun foti inisiativa realiza visita urgente ba RAEOA hodi rekolha informasaun no hatene diak liu motivu husi asaun greve sindikatu profesores nebe'e akontese iha RAEOA. Bazeia ba informasaun hirak refere Komisaun dirije karta ba Gabinete Presidente Parlamentu Nasional hodi halo kontaktu ho Gabinete Primeiru Ministru ho rajaun RAEOA tutela ba Primeriu Ministru. Bazeia ba kontaktu no dokumentus ofisial hirak refere iha loron 15 fulan Maio tinan 2019 delegasaun Komisaun G desloka ba RAEOA.

II. OBJETIVU MISAUN INFORMASAUN:

Visita ne'e nia objetivu prinsipal maka rekolla informasaun relasiona ho asaun greve ne'ebé halo husi sindikatu profesores RAEOA.

III. KOMPOZISAUN DELEGASAUN

Membru delegasaun komisaun G ne'ebé mak desloka ba RAEOA ba misaun informasaun ne'e kompostu husi:



PARLAMENTO
NACIONAL

Comissão de Educação, Juventude, Cultura e Cidadania

1. **DEPUTADA ALBINA MARÇAL FREITAS** (Presidente da Komisaun G nudar Chefe delegasaun)
2. **DEPUTADU SABINO SOARES "GUNTUR"** (Vice Presidente Komisaun G)
3. **DEPUTADU GABRIEL SOARES** (Sekretariu Komisaun G)
4. **DEPUTADU DOMINGOS LOPES LEMOS** (Membru Komisaun)
5. **DEPUTADU ANTONIO VERDIAL DE SOUSA** (Membru Komisaun)
6. **DEPUTADA GABRIELA ALVES** (Membru Komisaun)
7. **DEPUTADU ANTONIO DA CONCEICAO** (Membru Komisaun)
8. **DEPUTADA ISABEL XIMENES** (Membru Komisaun)
9. **DEPUTADU ANTONIO DE SA BENEVIDES** (Membru Komisaun)
10. **SIMPLICIO GOMES** (Tékniku Komisaun)
11. **FELISMINA DA CONCEIÇÃO FERREIRA** (Téknika Komisaun)
12. **PEDRO ANDRADE** (Asesór)

IV. ATIVIDADES REALIZADAS

Iha visita ida ne'e delegasaun komisaun G hala'o enkontru ho:

- a) Sekretáriu Rejionál Edukasaun, Juventude no Solidariedade Sosiál, kargu Diresoens no Chefias iha RAEOA;
- b) Sindikatu Professores RAEOA;



PARLAMENTO
NACIONAL

Comissão de Educação, Juventude, Cultura e Cidadania

1.1. Orsamentu Sekretariadu Regional Edukasaun no solidariedade Sosial (SRESS) RAEOA:

Iha tinan 2019 orsamentu ba Sekretaria Regional Edukasaun no soliedaridade sosial ho total tokon 6.348 desagra ba Katgoria hanesan deskreve iha tabela tuir mai:

Categoria	Orçamento	%
Salários e Vencimentos	4,145,026	64.9%
Bens e Serviços	268,220	4.2%
Capital Menor	471,400	7.4%
Capital de Desenvolvimento	-	0.0%
Transferências	1,500,000	23.5%
Grand Total	6,384,646	100.0%

Fontes : Livro 3C Orsamentu Jeral estadu

Husi Total orsamentu nebe'e atribui ba Sekretária Rejionál Edukasaun no Solidariedade Sosiál ho total tokon 4,145 (64.9 %) utiliza ba selu salários funcionáriu iha sekretariadu regional inklui salariu ba professores RAEOA , ba katgoria transferênsia publika aloka tokon 1,500 (23.5%), montante ida ne'e inklui mos orsamentu ba merenda eskolar no konsensoens eskolar.



PARLAMENTO
NACIONAL

Comissão de Educação, Juventude, Cultura e Cidadania

1.2. Fasilidades infra-estruturas no rekursu humanus ba apoiu prosesu aprendizagem iha RAEOA:

Tuir dadus Sekretária Rejonál Edukasaun no Solidariedade Sosiál (SRESS) iha tinan 2018, alunu eskola públiku hahu husi pre-primária to'o ensinu tekniku hamutuk iha 22,541 ho profesores permanente 423 pessoas no kontratadu 298 pessoas total 721 pessoas. Alunu eskola privadu hahu husi ensinu baziku to'o ensinu tekniku vokasional hamutuk 2,534 ho profesores permanente 64 pessoas no kontratadu 44 pessoas total 108 pessoas. Fasilidade Eskola Públiku ho privadu hamutuk iha 94 ho sala de aula iha 710, profesores permanente 487 pessoas no kontratadu 344 pessoas total 831 pessoas. Total Alunu hotu iha 25,075 estudantes.

Nível ensinu	Kategoria	Sala de Aula	Total Escola	Total Alunu	Total Professores		Total
					Permanente	Kontratadu	
Pré-eskolar	Públiku	26	12	927	11	7	983
	Privado	2	2	60	8	2	74
Eskola Básiku Sentral e Eskola Básiku Filiais	Públiku	556	68	19620	308	265	20817
	Privado	60	7	1991	48	30	2136
Eskola Sekundaria Geral	Públiku	35	2	1403	59	17	1516
	Privado	12	1	483	8	12	516
Eskola Tékniku Vokasional	Públiku	17	2	591	45	9	664
	Privado	-	-	-	-	-	-

(Fontes : Diresaun Regional edukasaun RAEOA (Livro 3C orsamentu Geral do estado)



PARLAMENTO
NACIONAL

Comissão de Educação, Juventude, Cultura e Cidadania

V. RESUMU ENKONTRU

5.1. Enkontru ho Sekretariu Regional Edukasaun no Solidaridade Sosial RAEOA, Diretur Edukasaun no chefe divizoens sira:

oráriu prezensa:

Dia : 16/05/2019

Hora : 09h30- 12h30

Lokal : Sala reuniaun Sekretariu Regional Edukasaun no
Solidariedade sosial RAEOA

Prezensa : Lista prezensa anexu



Foto 1. Delegasaun komisaun G hala'o enkontru ho Sekretariu Rejional RAEOA ba
asuntu edukasaun no Soliedaridade Sosial, Diretur edukasaun no chefes
Departamentu sira.



PARLAMENTO
NACIONAL

Comissão de Educação, Juventude, Cultura e Cidadania

Iha reuniaun ne'e sekretariu regiaun ba asuntu edukasaun no Solidariedade Sosial Senhor **Arsenio Paixao Bano**, halo abertura liu husi hato'o palavras benvindas ba delegasaun komisaun G, no kontinua introdus estrutura servisu husi sekretariadu refere ba senhores Deputadu komisaun G. Iha intervensaun Presidente komisaun G Albina Marçal Freitas, koalia kona ba objetivu no razaun prinsipal husi visita komisaun ne'e ba Sekretariu Regiaun Edukasaun no Solidariedade Sosial, no rekolha mos informasaun no preokupasaun husi autoridade liga informasaun nebe'e espalha iha media no karta keixa nebe'e hato'o husi sindikatu profesores RAEOA ninian.

Presidente komisaun G, mensiona kona bá objetivu prinsipal husi visita komisaun nian nebe'e sei hare ba:

1. Orariu hanorin professores liu-liu liga ba lista prezensa foun nebe'e estebelese iha RAEOA.
2. Ezakusaun ba orsamentu nebe'e aloka ba RAEOA liu-liu iha area edukasaun, juventude no kultura.
3. Prosesu kontratasaun/rekrutamentu ba profesores kontratadu no guarda eskolar.
4. Prosesu pagamentu retroativu no avalisaun desempenhu ba professores iha RAEOA.



República Democrática de Timor-Leste
PARLAMENTO
NACIONAL

Comissão de Educação, Juventude, Cultura e Cidadania

5.1.1. Implementasaun lista prezensa foun oras 40 kada semana:

Sekretariu Regional ba Edukasaun no Solidariedade sosial Senhor **Arsenio Paixao Bano** hatete katak problema greve professores nebe'e akontese iha RAEOA hahu'u bainhira autoridade RAEOA implementa lista prezensa foun, implementasaun lista prezensa pesoal nebe'e subitui lista prezensa agrupamentu komum tuir autoridade nia hare'e katak lista prezensa anterior perturba prosesu pagamentu ba salariu professores iha RAEOA, ho razaun professores sira la priense oras servisu tuir tempu nebe'e hatur ona iha lei funksionalismu publiku, dekretu lei No. 23/2010 no ezekuta mos rekomendasaun auditoria Tribunal das Contas.

Sekretariu Regional ba Edukasaun no Solidariedade sosial mos mensiona kona ba razaun fundamentu ba aplikasaun lista prezensa pesoal mak hanesan :

- Lista pezensa agrupamentu komum fo impaktu ba pagamentu salariu professores tambá bainhira iha professor ida iha problema (asina lista prezensa tarde) sei implika mos pagamentu salariu ba professores seluk ho ne'e autoridade prefere utiliza lista prezensa pessoal ho razaun profesor ida mak hatama lista prezensa tarde sei la prezudika profesores sira seluk.
- Melhora kontrolu husi autoridade RAEOA no diretores eskola ba professores sira hodi kumpri servisu oras 40 tuir lei (priense servisu



PARLAMENTO
NACIONAL

Comissão de Educação, Juventude, Cultura e Cidadania

oras 24 letivu no oras 16 não letivu) ho nia justifikasaun, ba servisu não letivu nebe'e professores halo.

Tuir esplikasaun Sekretariu Regional ba Edukasaun no Solidariedade Sosial katak inisiativa ba implementasaun orariu ne'e la'os buat foun tamba durante ne'e nia implementasaun lao hela baseia ba lei funksionalismu publiku, Dekretu lei No. 23/2010. Dekretu lei ne'e rasik obriga hanorin nain sira tengke presta servisu oras 40 kada semana (oras 24 letivu no 16 horas ba não letivu) intensaun husi sirkular ne'e obriga professores hala'o servisu não letivu iha eskola ou bele iha liur maibe ho justifikasaun ba direktur eskola ida-idak, iha lamentasaun no protesta ba implementasaun politika ida ne'e, maibe autoridade ho sindikatu profesores konsege iha konkordansia ba sirkular refere tuir informasaun husi Sekretariu Regional ba Edukasaun no Solidariedade Sosial.

5.1.2. Ezekusaun ba orsamentu merenda eskolar no konsensoens eskolar

Total orsamentu nebe'e aloka Sekretariu Edukasaun no Solidariedade Sosial ho total tokon 9, osan refere akumulada servisu Edukasaun, Sosial, Empregu no Formasaun Profissional, maibe ate agora governu sentral seidak transferere orsamentu ba konta RAEOA ho transferênsia nebe'e tarde prejudika planu RAEOA nian nebe'e atu hari'i 36 facilidades eskola ba tinan 2019, ba merenda eskolar no konsensoens eskolar ho total tokon 1,5 ne'e be preve iha kategoria transferênsia publika, pagamentu husi verba refere sentraliza iha Sekretariu Regional



República Democrática de Timor-Leste
PARLAMENTO
NACIONAL

Comissão de Educação, Juventude, Cultura e Cidadania

Edukasaun no Solidariedade Sosial ho razaun, knar professores atu hanorin la'os halo jestaun ba osan. Hatan mos prekupasaun husi Senhor Deputadu relasiona informasaun katak programa merenda eskolar iha RAEOA fornese husi loron segunda to'o deit loron Quinta, Sekretariu Regional hateten katak informasaun ne'e lalos tambá merenda eskolar ba alunu sira fornese husi loron Segunda to'o Sabadu.

Ba assuntu ne'e Sekretariu Regional mos hato'o nia sujestaun katak :

- Hapara distribuisaun fos ba merenda eskolar ho razaun dala ruma fornese fos tarde liu ou sedu liu kompara ho transferensia osan ba merenda eskolar.
- Sekretariu Regional akresenta mos katak sira planu hela aumenta valor ba merenda eskolar husi 0,25 sentavus ba minimu 0,50 ou 0,75 sentavus ho razaun presu hahan nebe'e sae, pagamentu 0,25, kada alunu realidade alunu bele hetan deit 10 to'o 15 sentavos tamba sei fahe lukru ba forneseadores.

5.1.3. Prosesu pagamentu retroativu ba profesores

Sekretario Regional ba Edukasaun no Solidariedade Sosial iha enkontru ne hato'o mos informasaun kona ba pagamentu retroativu ba professores nebe'e atraza ho razaun hanesan tuir mai:



PARLAMENTO
NACIONAL

Comissão de Educação, Juventude, Cultura e Cidadania

1. Kompetensia RAEOA la desidi no la publika promosaun grau husi professores sira, RAEOA bele fasilita deit hodi rekolha no avalia fixa avaliasaun desempenhu profesores no haruka ba Komisaun Funksaun halo publikasaun.
2. RAEOA realiza pagamentu bainhira Komisaun Funksaun Publika halo ona publikasaun, no manda ba RAEOA hodi halo pagamentu tuir lei haruka.
3. RAEOA simu ona publikasaun husi Komisaun Funksaun Publika ba progresaun eskalaun tinan 2011 to'o 2014 no RAEOA kordena ona ho Ministério Edukasaun hodi halo pagamentu retroativu ba tinan hirak refere (retroativu 2011-2014 responsabilidade Ministerio Edukasaun).
4. Kona ba prosesu pagamentu retroativu professores ba tinan 2015-2019 seidak realiza ho razaun avaliasaun desempenhu husi profesores ne'ebe be hatama tarde no foin konklui iha fulan Marsu 2019, RAEOA haruka ona ba Komisaun Funksaun Publika hodi insere ba sistema no publika molok halo pagamentu ba professores ida-idak iha fulan Julho 2019.

5.1.4. Prosesu kontratasaun/rekrutamentu ba profesores kontratadu no Kompetensia husi Diretor eskolas depois kriasaun Guarda Eskola iha eskola publiku sira.



PARLAMENTO
NACIONAL

Comissão de Educação, Juventude, Cultura e Cidadania

Hatan ba asuntu nebe'e presidente komisaun G kona ba transparensia husi rekrutamentu ba professores kontradu Sekretariu Regional ba edukasaun no Solidariedade Sosial hateten katak profesores kontratadu iha RAEOA kontrata molok estabelesimentu RAEOA no laiha profesores foun nebe'e rekruta, iha tinan 2019 RAEOA loke rekrutamentu ba professores Ensinu Sekundaria Geral no EBC sira hamutuk 18 pessoas nebe'e iha hela prosesu nia laran no foin passa 12 pessoas hodi priense mos ba eskola 4 (Ha'at) nebe'e foin hari'i maibe eskola 4 (Ha'at) refere ida sidauk funsiona ho razaun alunus la suficiente atu priense eskola 1 refere, kona ba transparensia husi prosesu rekrutamentu ne'e rasik iha ekuipa avaliaun nebe'e inklui mos direktor eskola sira.

Iha tinan 2019 RAEOA hapara kontratu ba professores nain 6 (1 mate, 1 hetan moras mental no 4 (Ha'at) hapara) razaun RAEOA hapara tamba professores 4 (Ha'at) refere liu ona teste kursu komplementar nebe'e nia intensaun melhora kualidade ensinu maibe sira rejeita partisipa ho razaun ne'e RAEOA la estende kontratu. Relasiona ho rekrutamentu ba guarda eskola Sekretariu Regional ba edukasaun no Solidariedade Sosial hateten katak iha duni rekrutamentu ba guarda eskolar hodi tau matan ba eskola sira no guarda eskola sira la rekolha lista prezensa husi profesores tuir informasaun.



PARLAMENTO
NACIONAL

Comissão de Educação, Juventude, Cultura e Cidadania

5.2. Enkontru ho Sindikatus Profesores RAEOA

orário no prezensa:

Dia : 16/05/2019

Oras : 12h30- 14h50

Lokal : Salaun reuniaun eskola tekniku vokasional Palaban




Foto. 2. Intervensaun Presidente Komisun G durante enkontru ho Sindikatu Profesores RAEOA

Iha enkontru ne'e sindikatu profesores hato'o sira nia lamentasaun no informa razaun sindikatu halo asaun greve, tuir sindikatu asaun greve refere kauza husi :

1. Pagamentu retroativu ba professores iha RAEOA mosu desentendimentu tambá tuir sindikatu hatene katak :



PARLAMENTO
NACIONAL

Comissão de Educação, Juventude, Cultura e Cidadania

- a. Pagamentu retroativu ba professores RAEOA orsamentadu iha orsamentu Jeral estadu nebe'e aprovadu ho objetivu selu profesores munisipiu 7 inklui RAEOA nebe'e hetan ona progressaun ba eskalaun.
 - b. Tuir informasaun nebe'e sindikatu hetan husi Diresaun Geral Tesouru (DGT) katak prosesu pagamentu sei hahu iha fulan Novembru no finaliza iha fulan Dezembru 2018, maibe parte autoridade RAEOA rai hela.
 - c. Tuir esplikasaun nebe'e hetan husi Vice Ministru Edukasaun, liu husi nia Diretur Rekursu humanu katak retroativu ba professores fahe ba parte rua husi tinan 2011-2014 (**Responsabiliza husi Ministeriu Edukasaun, retroativu refere finaliza ona nia prosesa iha Komisaun Funsauun Publika (KFP) hodi selu iha tinan 2015 maibe parte RAEOA seidak halo pagamentu**). ba tinan 2015-2019 responsabiliza husi RAEOA maibe seidak iha pagamentu.
 - d. Pagamentu orsamentu transporte ba professores vigilante durante loron 3 (Tolu) nebe'e prevê iha konsensoens eskolar, maibe seidak realiza pagamentu.
2. Lista prezensa foun ba professores ho durasaun horas 40 kada semana
- a. Sindikatu profesores kestiona lista prezensa pesoal nebe'e autoridade RAEOA implementa liu husi sirkular nebe'e obriga no ameasa profesores hodi asina lista prezensa foun ho durasaun horas 40 kada semana.



PARLAMENTO
NACIONAL

Comissão de Educação, Juventude, Cultura e Cidadania

- b. Implementasaun ba lista prezensa foun ne la'ó ho nia base lega dekretu lei No. 23/2010, maibe hamosu duvidas no desentendimentu tambá la liu husi sosializasaun ruma.
- c. Iha ona konkordansia entre autoridade RAEOA ho professores iha loron 9 fulan Abril 2019 nebe'e konkorda sei utiliza nafatin lista prezensa tuan ba pagamentu salario fulan Marsu hodi hein sosializasaun iha loron 23 de Abril 2019, maibe to'ó data refere autoridade RAEOA la konsege realiza.
- d. Sindikatu mos lamenta ho Autoridade RAEOA liu-liu SRESS hodi hamosu modelu administrasaun foun. No tambá saída Dekretu lei ne'e foin implementa depois tinan 4 (ha'at) estabelesimentu RAEOA.

Ho razaun hirak leten sindikatu professores ejiji :

1. Ministerio da Eduksaun no Autoridade RAEOA tengke halo pagamento retroativo ba professores iha RAEOA.
2. Tengke selu osan komisaun organizadora ba vijilansia ezame nasional tinan 2018.
3. Rezeita total implementasaun lista prezensa ho durasaun oras 40 kada semana tambá laiha sosializasaun no laiha diploma ministerial tur nebe'e hatete iha artigo 63 dekretu lei no. 23/2010.



PARLAMENTO
NACIONAL

Comissão de Educação, Juventude, Cultura e Cidadania

Hatan ba perguntas no prekupasaun nebe'e hato'o husi sindikatu profesores Deputadus sira mos esplika kona kompetensia Deputadus nudar representante povu no esplika mos problema retroativu nebe'e akontese iha teritoriu tomak la'os RAEOA deit, no sempre levanta kestaun ne'e iha plenária atu nune'e governu nudar ezeutivu bele tau matan hodi rezolve problema refere, ikus liu Presidente Komisaun G esplika katak Delegasaun Komisaun G simu no rona rasik ona prekupasaun no ezizensia hirak ne'e no sei enkaminha ba Governo no oinsa hamutuk ho autoridade RAEOA nudar ezeutivu hodi buka solusaun urgente ba problema ida ne'e.

VI. Konkluzau

Durante delegasaun Komisaun hala'o reuniaun ho Sekretariu Regional Edukasaun no Soliedaridade Sosial, Diretor Edukasaun RAEOA, chefes Departamentus no sindikatu professores RAEOA, Komisaun konklui katak asaun greve nebe'e akontese kausa husi :

1. Lista prezensa foun nebe'e implementa husi autoridade RAEOA iha base maibe laiha sosializasaun nebe'e hamosu lamentasaun no protestu husi sindikatu professores.
2. Prosesu pagamentu retroativu liga mos ho avaliasaun desempenhu ba professores atraza implika husi birokrasia nebe'e naruk no linha koordenasaun nebe'e menus entre instituisaun sira.



República Democrática de Timor-Leste
PARLAMENTO
NACIONAL

Comissão de Educação, Juventude, Cultura e Cidadania

VII. Rekomendasaun

1. **Rekomenda ba RAEOA espesifiku ba Sekretariu Regional ba Edukasaun no Solidariedade Sosial**
 1. Aselera pagamentu retroativu professores RAEOA ba tinan 2015 to'o 2019.
 2. Hadia linha koordenasaun Governu sentral ho RAEOA la bele ho nune'e la bele hamosu desintendimentu no la prejudika servisu funsionarius no professores iha RAEOA.
 3. Autoridade RAEOA aselera prosesu pagamentu salarial ba profesores nebe'e seidak hetan nia direitu atu nune'e la bele prejudika prosesu aprendijazem.
 4. Realiza pagamentu subsidius ba profesores sira nebe'e mak hanorin iha área extremamente remotas hanesan mos nebe'e mak realiza iha munisipiu 12 seluk.
 5. Halo avalisaun ba professores kontratadu ba estatutu permanente prinsipalmente professores sira iha Eskola Tekniku Vokasional RAEOA nian.

2. **Rekomenda ba Ministerio da Edukasaun**
 1. Aselera pagamentu retroativu profesores ba tinan 2011 to'o 2014.



República Democrática de Timor-Leste
PARLAMENTO
NACIONAL

Comissão de Educação, Juventude, Cultura e Cidadania

2. Hadia linha koordenasaun entre Ministériu Edukasaun ho Sekretariadu Regional ba Edukasaun ho nune'e bele aselera no hadia prosesu aprendizajen iha RAEOA.
3. Ministeriu presiza sosializa lei ou Dekretu Lei nebe'e liga ho servisu edukasaun ho nune'e la prejudika nia implementasaun.
4. Husu ba Sua excelência ho urgensia Ministra hodi kumpri liafuan nebe'e hato'o durante audensia ho Komisaun G, hodi buka solusaun problema nebe'e akontese ba professores sira iha RAEOA tuir kompetensia nebe'e iha.



República Democrática de Timor-Leste
PARLAMENTO
NACIONAL

Comissão de Educação, Juventude, Cultura e Cidadania


VIII. Aprovasaun Relatóriu

Relatóriu visita misaun informasaun komisaun iha RAEOA, le'e no aprova iha reuniaun datada 03 Junho 2019, ho votus 8 A favor, 0 kontra no 0 abstensaun.

Prezidente Komisaun,


Albina Marçal Freitas

Relator/a



Deputado/a